

Parlamentarionan a efectua un bishita orientativo na Seahatch Aruba Pa mira marcultivo di cabaron



ORANJESTAD (AAN): Diahuebs Parlamentarionan di Fraccion di MEP, srs. Marlon Werleman, Arthur Panneflekk y Dirk Dumfries a efectua un bishita orientativo na e facilidad di Seahatch Aruba, N.V., lugar unda ta cultiva cabaron y exporta esaki pa entre otro Venezuela, pa madura/bira adulto, den e Lago di Maracaibo.

Motibo di e bishita na e facilidad di Seahatch Aruba N.V. ta den cuadro di e atencion di miembro di Parlamento Dirk Dumfries na e reunion di Parlatino cu lo tuma lugar na Mexico for di 4 pa 7 di November proximo. E temanan cu lo keda trata durante e reunion aki ta entre otro Medio Ambiente, Servicionan Publico, Vivienda y Desaroyo Urbano. Tambe lo atende un reunion cu lo dedica atencion special riba Ingenieria Genetico y Biotecnologia. Aki lo tira un bista riba legislacion di bio-industria y alavez e demanda di cabaron den mercadonan mayor globalmente.

Srs. Cornelis J.M. van Stein, administrador di e compania di cabaron y e biologo sr.

Jorge Conceicao, a duna e respectivo miembronan di Parlamento un guia y splicacion amplio di nan laboratorio y facilidad di maricultivo di cabaron.

Nan a obtene tur informacion encuan to e aspeccionan principal di henter e proceso di cultivo di camaron haciendo uso di awa di laman.

Sr. van Stein a remarca cu Aruba ta importa e cabaron adulto y ta deposita cada periodo di cultivo mil cabaron pa nan reproduci den tankinan di awa di lama. Esaki ta worde dividi den 250 macho y 250 embra den cada tanki. Es decir un total di 500 cabaron (macho y embra) den cada tanki cu awa di lama. Nan tin cuatro tanki es decir dos mil cabaron adulto pa cada periodo di cultivo.

Alavez ta percura pa duna e awa di lama bida door di pomp aire (oxigeno) den e awa y agrega vitamina pa accelera e proceso di reproduccion. Na momento cu e embranan haya webo nan ta worde saca y traslada pa un otro tanki di awa di laman pa broei y e nauplijonan ta ser traslada den un otro tanki na

unda nan ta worde cria y bira larvanan.

E crianza di larva ta di un periodo di 3 siman. Despues nan ta worde poni den saconan plastico cu awa di lama cu ijs, oxigeno y alimento pa worde empaketa den cahanan y exporta cu avion pa Venezuela, Bonaire y Surinam. Na Venezuela e larvanan ta keda pa un periodo di tres luna den e Lago pa bira adulto.

Sr. van Stein a duna di conoce tambe cu e compania ta haci aproximadamente 20 pa 24 viahe pa luna cu avion di Seahatch den exportacion di e larvanan di cabaron. Parlamentarionan di Fraccion di MEP no unicamente a keda sumamente impresionada cu e cultivo di cabaron, pero a constata tambe cu e industria aki ta uno cu ta sostene nos economia si mester considera tur e gastonan involvi den operacion y mantencion. Por referi na pago di impuesto di salario y cargonan social, te na uso di nos aeropuerto, varios companianan na aeropuerto cu ta duna nan servicio na e compania, negoshinan local di hardware pa mantene y repara lo necesario na e facilidad di e industria aki etc.

Aspectonan di atencion y importancia ta e proteccion di e industria, guia y stimula maricultura y agricultura na Aruba. Ta sumamente necesario pa Gobierno cuminsa pensa den direccion pa introduci un ley cu ta exige e pais di origen pa declara cu e speshinan ta liber di virus. Den e caso specifico di e industria di camaron sr. van



Stein a entrega Parlamentario Dirk Dumfries un ehemplo di e ley di Venezuela, den cual tin stipula cu ta prohibi introduccion di cabaron for di paisnan cu antecedentenan di enfermedad di virus cu por afecta cultivo di cabaron. Un medida preventivo tambe ta pa mantene tipo di facilidadnan asina separa cu no menos cu un distancia di 15 kilometer for di otro. El a sugeri pa introduci tambe tarificanan industrial por ehemplo riba impuesto di importacion pa crianza y cultivo, tambe adaptacion di e prijs di awa y electricidad teniendo na

cuenta cu e compania ta funciona 24 ora pa dia.

Por ultimo a sugeri pa mantene e tereno di Gobierno pa cinco aña como "huurgrond" y despues di esaki por sera un areglo di erfpacht a largo plazo. Idea y sugerencianan cu a worde manda tambe pa e Gobierno di Antiyas Neerlandes en bista di e relacion cu e industria di maricultura na Bonaire.

Sr. van Stein a gradici e Parlamentarionan pa nan atencion dedica na e facilidad y compania di cultivo di cabaron, esta Seahatch Aruba N.V.

For Sale

Dish & Reciever

10 feet

Afl.3000,=

Call: 593-4647



TA HUUR of BENDE

un cas na Rudolf Arendstraat pa huur ta Afl.1.300,= p/l.
un appartement na Schotlandstraat Afl.950,= pl.

TA BENDE

Tereno propiedad na Tanki Leendert Afl.70,= p/m².

TEL 586-5067